



23. juni 2022

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

### **Naalakkersuisunut apeqqut:**

### **Naalakkersuisut Tasiilami umiarsualivimmi alliliissamaarpat?**

(Inatsisartuni ilaasortaq Harald Bianco, Inuit Ataqatigiit)

### **Tunngavilersuut:**

Tasiilami umiarsualivik 34 meterinik takissusilik ukiorpassuanngortuni atuuppoq nungullariartuinnarlunilu. Talittarfiup itissusaa najoqqutaralugu umiarsuit anginerit usingiarnerminni ajornartorsiuteqartarput, umiarsuup illumut pulasinnanera killeqarmat. Usingiarnermi kranit silarliit umiarsualivittaanut angummaterrattarput.

Umiarsualivik avammut itinerusumut allilernissaminut periarfissagissaarpoq, qeqertaasaq (Immikkoortaaji)-mi tassartagarput kaajallangajallugu itisuumik inituumillu annertusarnissaminut periarfissagissaarmat.

Pissusissamisuusaaq ukiuni qaninnerpaani Tasiilami umiarsualiviup allilernisaa, maanna takornariartaassuit ameriartuinnartut tikeqartalerfianni. Taamatullu aalisarnikkut piorsaaleraluttuarfimmi talittarfiup allilernisaa pissusissamisuusaaq. Umiarsuaq ataaseq talissimatillugu allamik talittoqarsinnaasanngilaq, aatsaat umiarsuaq avalappat alla talissinnaasarami.

Kiisalu maanna Amerikarmiut Tunumi radareqarfiuliulersaaqqilernerat aamma talittarfimmi anginerusumik pisariaqartilertus-saavoq, allarpassuillu.